



UNIVERSITÄTS-  
BIBLIOTHEK  
PADERBORN

**Q. Septimii Florentis Tertvlliani Carthaginiensis  
Presbyteri, Opera Qvæ Hactenvs Reperiri Potvervnt  
Omnia**

**Tertullianus, Quintus Septimius Florens**

**Coloniæ Agrippinæ, Anno M. DC. XVII.**

Iacobi Pamelii Ad Lectorem Præfatio De Qvarti Tomi Librorvm Ordine.

---

[urn:nbn:de:hbz:466:1-71872](https://nbn-resolving.org/urn:nbn:de:hbz:466:1-71872)

# IACOBI PAMELII AD LECTOREM PRÆFA- TIO DE QVARTI TOMI LIBRORVM ORDINE.

TERTULL  
OPERA



**H**OMO quarto qui Libri, quo ordine sunt collocati, rationem contredamus pro eo quod polliciti sumus: primo posuimus loco, quos ipsius Tertulliani esse certo constat ADVERSVS MARCIONEM LIBROS QVINQVE, & DE IVDICIO DOMINI LIBRVM, sicuti nuper inter Poemata Christiana sunt aditi. Deinde Carminum libellos subiecimus, GENESIM, SODOMAM, & AD SENATOREM, quos etsi B. Cypriano inter eius opera à nobis adita adscripsimus, non putauimus tamen absurdum sequi censuram Sixti Senensis; qui quum Tertulliano Librum de Sodoma adscribat, quantum conijcio, MS. codicum fidem secutus; ex stylo prorsus eodem, comperi etiam illius esse reliquos duos. Porro in APOLOGETICI PRO CHRISTIANIS in Græcum conuersi fragmentis, & eorum qui desiderantur Librorum Notulis, eum ordinem obseruauimus, quem in toto Tertulliani opere; præterquam, quod Græco stylo ab ipso Auctore aditos simul coniunxerimus, utpote DE SPECTACVLIS, DE VIRGINIBVS VELANDIS, & DE BAPTISMO. Post quos Pareneticorum AD AMICVM PHILOSOPHYM, ac DE FATO, & deinceps Exegeticorum DE CIRCUMCISIONE, DE VESTIBVS AARON, ac DE MVNDIS ET IMMUNDIS ANIMALIBVS, mentionem addidimus. Hinc aduersus Hæresis scriptorum, DE CENSU ANIMÆ ADVERSVS HERMOGENEM, & ADVERSVS APELLETIANOS. Denique eorum, qui aut initio defectionis ad Montanum, aut in fine vitæ hæresi illius fauentia conscripsit, DE PARADISO, DE SPE FIDELIUM, DE ECSTASI, & ADVERSVS APOLLONIVM. Hic vale in Christo feliciter, & si quod aliquando dictorum Librorum exemplar nactus fueris, aut nobiscum communicato adiciendum aditioni secunda, aut ipse in lucem adito.